

Մեր Հակոբյան

ՎԱՐԴԱՆԱՆՑ ՊԱՏԵՐԱԶՄԻ
ՈՐՈՇ ԴՐՎԱԳՆԵՐԻ
ՎԵՐԼՈՒԾՈՒԹՅՈՒՆ

Երևան - 2003

ՀՏԳ 941 (479.25)
ԳՄԴ 63.3 (2Հ)
Հ 177

Գիրքը նվիրվում է հանուն Հայաստանի
և հայ ժողովրդի ընկած ռազմիկների
անմար հիշատակին...

Հակոբյան Սիեր

Հ 177 Վարդանանց պատերազմի որոշ դրվագների վերլուծություն: Եր.: Աղբյուր, 2003,
28 էջ:

Հայ ժողովրդի մղած բազմադարյան և հերոսական էջերով հարուստ ազատագրական պայքարի պատմության ընթացքում Վարդանանց պատերազմը ունի առանձնահատուկ տեղ, քանի որ ոչ միայն նրա մասին շատ է խոսվել, այլև արտահայտվել են տրամագծորեն խիստ հակառակ կարծիքներ: Ընդ որում, բոլոր տեսակետներն էլ հիմնավորել են այնքան հեղինակավոր ուսումնասիրողներ, որ փորձել նոր բան ասելն ամենաքիչը անհամեստ կհնչի: Այնուհանդերձ, ուսումնասիրելով Եղիշեին և Փարպեցուն, դրանցում բերված փաստերի վերլուծության արդյունքում հանգեցինք եզրակացությունների, որոնք թույլ են տալիս վերանայել Վարդանանց պատերազմի որոշ դրվագներ և տեսակետներ:

Հ $\frac{0503020913}{0184(01) - 2003}$ 2003

ԳՄԴ 63.3 (2Հ)

ISBN 99930-909-4-8

© Մ. Հակոբյան, 2003

ՎԱՐԴԱՆ ԵՎ ՎԱՍԱԿ

Վարդանանց պատերազմին վերաբերող հիմնական վեճը սովորաբար առաջանում է Վարդանի և Վասակի դիրքորոշման վերաբերյալ: Ընդ որում, կարծիքներ արտահայտվել են բուն Ավարայրից հետո և արտահայտվում են մինչև այժմ: 5-րդ դարից սկսած մինչև 19-րդ դարի վերջը հիմնական մոտեցումը (որոշ բացառություններով) եղել է հետևյալը. Վասակը և իր կողմնակիցներն անաստվածներ են, դավաճաններ, որոնք ուրացել են իրենց կրոնը և դավաճանել հայրենիքին, իսկ Վարդանանք՝ հանուն հավատի նահատակվածներ: Այս մոտեցումը ձևավորել է Եղիշեն, և այն ակտիվորեն պաշտպանվել է եկեղեցու կողմից:

Բայց սկսած 19-րդ դարի վերջից և հատկապես խորհրդային կարգերի հաստատումից հետո, այս տեսակետը վերանայվեց: Սկսվեցին արտահայտվել և մինչև այժմ էլ արտահայտվում են կարծիքներ, որ Վասակը, լինելով նուրբ դիվանագետ և պարսկական արքունիքին մոտիկից ծանոթ մարդ, ավելի լավ էր հասկանում իրավիճակը, փորձում էր իրականացնել նուրբ դիվանագիտական քայլեր, որոնք սպարապետն ու ժողովուրդը չհասկացան: Ընդ որում, նույնիսկ փորձ է արվում նրա քայլերը որոշ չափով իդեալականացնել՝ որպես օրինակ ներկայիս: Այս մոտեցումը հիմնավորվում էր նրանով, որ 5-19-րդ դարերի պատմաբանների և ուսումնասիրողների կարծիքներում գերիշխող են եղել կրոնական մոտեցումները, այսինքն Վասակը դավաճան էր, որովհետև դավաճանել էր իր կրոնին: Սակայն մենք վեր կկանգնենք այս մտայնությունից և հարցը կքննարկենք փաստերի անաչառ ու սառը վերլուծության և տրամաբանական մտահանգումների միջոցով:

Կուզենայի նաև նշել, որ ես կրոնի ջատագով չեմ, թեև գնահատում եմ այն մեծ դերը, որ Հայ Առաքելական Եկեղեցին ունեցել է հայ ժողովրդի ինքնության պահպանման գործում:

Հարցի քննարկումը կսկսենք Անգղի դեպքերից: Անգղի ճակատամարտի ժամանակ Վասակը իր գործառնաժողով օգնեց Անգղի մոտի ճամբարում պատսպարված պարսիկներին¹ և հետագայում հազիվ

¹ Եղիշե՝ էջ 127 (Այստեղ և հետագայում հղումները արվում են Երևանի Համալսարանի 1989 թ. հրատարակությունից):

փրկվեց, քանի որ նրա արարքը այս կամ այն պատճառով ներվեց: Սակայն Վարդանի Աղվանք արշավելուց հետո Վասակը սկսեց ավելի բացահայտ գործել ընդդեմ ասպտամբների:

Աղվանք արշավելուց առաջ Վարդանը, որպես հայոց բանակի գլխավոր հրամանատար, բանակը բաժանեց երեք մասի. առաջինը ուղարկեց հարավային Հայաստան՝ պարսիկների հնարավոր նեխուժումը կանխելու նպատակով, երկրորդ՝ գերակշիռ մասը, վերջրեց իր հետ, իսկ երրորդ մասը թողեց երկրում Վասակի գլխավորությամբ՝ որպես ստրատեգիական ռեզերվ, որը նաև պետք է օգնության հասնելը վտանգավոր ուղղությանը: Այստեղ Վարդանին քննադատում են, որ նա, իմանալով Վասակին, նրան զորք տվեց: Սակայն պետք չէ մոռանալ, որ Վասակը երկրի, թեև պարսկասեր, սակայն ամենաագրեցիկ նախարարներից էր, դեռևս առերես ասպտամբների հետ էր և նրան զորք չտալու դեպքում Վարդանին կմեղադրեին իշխանությունը ուզուրպացնելու մեջ: Այդ տարի պարսիկները պլանավորել էին Հայաստանին հիմնական հարված հասցնել Աղվանքից՝ ուր և մտավ պարսկական բանակը:

Այստեղ էլ հենց Վասակը կատարեց իր առաջին քայլը, որը այլ կերպ քան դավաճանություն չես անվանի: Նա նամակով պարսից զորահրամանատար Սեբուխտին տեղեկացրեց հայկական բանակի արշավի և զորքի քանակի մասին¹: Արդյոք սա դավաճանություն չէ: Իհարկե կարելի է ասել, որ Վասակը, գուցե և Վարդանի հետ նախապես պայմանավորված, դիտավորյալ մոլորության մեջ է գցել պարսից զորահրամանատարին՝ նշելով, որ հայերը քիչ են: Սակայն, որ դա այդպես չէ, վկայում է երկու հանգամանք.

ա) հայկական բանակը Խաղխաղ քաղաքի մոտ, տեսնելով արդեն մարտական պատրաստվածության մեջ և զորաշարքով կանգնած պարսկական բանակին, անակնկալի եկավ: Սրանով խախտվեց նաև հայոց բանակի նախնական մարտական պլանը, ըստ որի պարսիկներին պետք է անակնկալ հարված հասցվեր (հայերը քանակապես թշնամուն զիջելու դեպքում միշտ ձգտում էին այդպես վարվել):

բ) զուտ ռազմական առումով Վասակը պետք է անմիջապես իր բանակը շարժեր Վարդանին օգնության, քանի որ արդեն պարզ էր,

¹ Եղիշե՝ էջ 151:

որ գլխավոր հարվածը գալիս է արևելքից, այլ ոչ թե հարավից: Գրանով նա ավելի կիեշտացներ և կամրապնդեր Վարդանի հաղթանակը:

Բայց նա այդպես չվարվեց: Ավելին. նա կեղծ գորաշարժով ցույց տվեց, թե իբր պատրաստվում է շարժվել Վարդանին օգնության, բայց իրականում գրավեց և ավերեց այն բերդերը, որոնք չէր կարող պահել իր ձեռքում¹: Բացի այդ նա ոչնչացրեց Այրարատ նահանգի պարենի պաշարները², որի հետևանքով Վարդանը ստիպված եղավ ձմռանը տեղաբաշխել հայոց բանակի մեծագույն մասը տարբեր գավառներում՝ պարենի անբավարարության պատճառով: Ընդ որում Վասակի կողմնակիցներից ոմանք լքեցին նրան (ըստ Եղիշեի «...նրանք, ովքեր նրա (Վասակի – Մ.Հ) հետ էին, ոմանք փախան ամեն մեկն իր տեղը...»³) և հետագայում միացան Վարդանին:

Պատերազմող բանակի թիկունքում այսպիսի քայլեր կատարելը այժմ կոչվում է դավաճանություն և դիվերսիա, որը խստորեն պատժվել է բոլոր ժամանակներում և իրավակարգերում: Ընդ որում նրա արարքները լիովին պատժելի են և քրեական և բարոյական առումով: Իմանալով այդ մասին՝ Վարդանը, ավերելով Ճորա Պահակը և դաշինք կնքելով հոների հետ, շտապ վերադարձավ Հայաստան: Իր վերոհիշյալ արարքներից հետո զորքի և ժողովրդի մեջ չունենալով բավականին հենարան, Վասակը հեռացավ Սյունիք: Վերադառնալով Աղվանքից՝ Վարդանը գրավեց «թագավորանիստ տեղերը»⁴ և իշխանությունը կենտրոնացրեց իր ձեռքում:

Սրա ինչպես նաև նրա հիման վրա, որ դրանից հետո, ըստ Եղիշեի, Վարդանը «գունդ-գունդ զորք էր ուղարկում Սյունյաց աշխարհ»⁵ և նեղում Վասակին, որոշ ուսումնասիրողներ առաջ են քաշում այն տեսակետը, որ Վարդանը Վասակի հետ պատերազմում էր թագավոր դառնալու համար: Թեև այս հարցին կանդրադառնանք ավելի ուշ, այնուհանդերձ նշենք, որ «թագավորանիստ տեղերը» ոչ այնքան բուն թագավորի նստելու տեղերն էին, որքան, ժամանակակից լեզվով ասած, դրանք ստրատեգիական նշանակություն ունեցող բերդերն ու ամրոցներն էին (օր.՝ Արտաշատի և Գառնո ամրոցները,

¹ Եղիշե՝ էջ 159:

² Եղիշե՝ էջ 159:

³ Եղիշե՝ էջ 159:

⁴ Եղիշե՝ էջ 161:

⁵ Եղիշե՝ էջ 163:

Արտագերս բերող և այլն), իսկ Սյունիքի վրա հարձակվելը և Վասակին նեղելը բացատրվում է հետևյալով. Վարդանը, լինելով իր ժամանակի մեծագույն զորավարներից մեկը, լավ էր հասկանում պատերազմի ստրատեգիան: Պետք է չեզոքացվեր Սյունիքից սպասվող հարվածը՝ Ավարայրի ճակատամարտի ժամանակ թիկունքը ապահովելու համար, որն էլ իրականացվեց Սյունիքի վրա հարձակվելով: Վարդանը, գրավելով Սյունիքի կարևոր բերդերն ու ամրոցները (օր.՝ Վասակաբերդը, Որոտբերդը և այլն)՝ չեզոքացրեց Վասակին և Սյունիքից սպասվող հարվածը, ինչպես նաև ապահովեց Սյունյաց հայրենասերների աջակցությունը, որոնք դժգոհ էին Վասակի հարկային և կրոնական քաղաքականությունից:

Սրանք Վասակի բացահայտ քայլերն էին, բայց նա կատարեց նաև մի շարք գաղտնի քայլեր, որոնց մասին թեև քչերն իմացան, բայց որոնք իրենց հետևանքներով գուցե և ավելի ծանր էին: Վասակը՝

ա) ոչ մի ջանք չխնայեց հայ-բյուզանդական հնարավոր և հայ-վիրա-աղվանյան կայացած դաշինքը վիժեցնելու ուղղությամբ (Ավարայրի ճակատամարտից մի քանի շաբաթ առաջ տեղեկացրեց Վիրք, Աղվանք և Բյուզանդիա, թե իբր պարսիկները հրաժարվել են իրենց նպատակներից և այլևս կարիք չկա օգնության հասնել հայերին)¹ և ի վերջո հասավ իր նպատակին (սակայն Գուգարքը, որը մինչ այդ միացվել էր Վրաստանին, մասնակցեց ապստամբությանը, քանի որ Տաշիրը և Աշոցքը, ըստ սկզբնաղբյուրների, ներկա էին):

բ) նույն ձևով խոչնդոտեց նաև Խաղկտիքից, Տնորիքից, Աղձնիքից, Կորդույքից եկող հնարավոր օգնությանը² (Աղձնիքը Արշակունյաց Հայաստանի ամենահզոր բղեշխություններից էր և նրա զինական ուժը շատ կօգներ Ավարայրում, իսկ Կորդույքը հզոր նախարարություն էր (1.000 հեծյալ) և հատկապես փառաբանված իր նետաձիգներով): Վասակը փորձեց խոչնդոտել նաև Արցախից եկող օգնությանը, սակայն քանի որ Արցախը ավելի սերտ կապերի մեջ էր Վարդանանց հետ, Վասակի քայլը չհաջողվեց և, ըստ Ստեփանոս Օրբելյանի մի տեղեկության, Արցախի Առանշահիկների և նրանց հետ էլ, նաև ՌՒտիքի ու Գարդմանքի հեծելազորները և ժողովրդական

¹ Եղիշե՝ էջ 189-191:

² Եղիշե՝ էջ 191:

աշխարհագրերը, որպես Առանշահիկների կրտսեր և քաղաքական ազդեցության ոլորտում գտնվող նախարարներ, մասնակցել են Ավարայրի ճակատամարտին:

գ) Սյունյաց գնդով Ավարայրի ճակատամարտի ժամանակ հանդես եկավ հայերի դեմ՝ գտնվելով Պարսից բանակի աջ թևում¹:

դ) Ավարայրի ճակատամարտից անմիջապես առաջ մի քանի անգամ ներկայացավ Փայտակարանում գտնվող Միհրմերսեհին և տեղեկություններ հայտնեց հայոց բանակի քանակի, զորքի տեսակի և զինվածության մասին²:

ե) Վարդանի Աղվանք գնալուց հետո գերեց որոշ առաջատար նախարարների երեխաների՝ Պարսկաստան ուղարկելու համար³:

զ) հավաքագրեց լեռնային և դաշտային որոշ վայրենի ցեղեր (օր.՝ Լփնաց, Ճղբաց, և այլն՝ թվով 11)⁴, որոնք հետագայում հանդես եկան հայեր դեմ:

է) պարսկական զորամասերով փակեց հյուսիսից Աղվանք մտնող կիրճերը և արգելեց հոների մուտքը Պարսկաստան, որը բավականին կհեշտացներ հայերի վիճակը Ավարայրում՝ շեղելով պարսից բանակի մի մասը⁵:

Այս արարքները ևս այլ կերպ, քան հայրենիքի դավաճանությունն չես անվանի՝ և քրեախրավական և բարոյական տեսանկյունից: Եթե նա համաձայն չէր ապստամբության հետ, կարող էր գոնե չեզոք դիրք բռնել, այլ ոչ թե ամեն կերպ ակտիվորեն վնասեր իր ժողովրդին (այդպես, ի դեպ, որոշ չափով վարվեցին Բագրատունիները, ինչը հեշտ է նկատել, քանի որ Եղիշեն Տիրոց Բագրատունու նկատմամբ ատելություն համարյա չի դրսևորում): Մեր կարծիքով այստեղ ոչ մի դիվանագիտություն չկա:

¹ Եղիշեն էջ 245:

² Եղիշեն էջ 195:

³ Գազար Փարպեցի «Հայոց պատմություն», Երևան 1982՝ էջ 157:

⁴ Եղիշեն էջ 191:

⁵ Եղիշեն էջ 191:

ՆԱԽԱՐԱՐՆԵՐԻ «ԿԻՍՎԵԼԸ»

Վարդանանց պատերազմի հետ կապված պետք է քննարկել նաև մի այլ հարց, որը խիստ թյուրիմացությունների տեղիք է տվել գրականության մեջ: Հարցը կայանում է նրանում, թե Հայաստանի որ մասն էր գտնվում Վարդանի, որ մասը Վասակի հետ: Ընդ որում սկսվել են արդեն արտահայտվել կարծիքներ, որ Վասակյանք համարյա հավասար են եղել Վարդանանց և նույնիսկ գերակշռել են: Սակայն ըստ իմ ուսումնասիրությունների դա արմատապես սխալ է:

Վարդանի և Վասակի կողմնակիցների մասին հիմնական տեղեկությունները հայտնում է Եղիշեն, որոշ չափով էլ Փարպեցին և Ստեփանոս Օրբելյանը: Նախարարների ուժը և ազդեցությունը պարզելու համար կառաջնորդվենք Ջորանամակով՝ ձեռքի տակ ունենալով նաև Անանիա Շիրակացու «Աշխարհացույցը»: Դիշտ է, Ջորանամակը վերաբերվում է Արշակունյաց՝ այսինքն ավելի վաղ, ժամանակաշրջանի, սակայն, նախ ձեռքի տակ այլ հավաստի աղբյուր չունենք, և երկրորդ, դժվար թե մոտ կես դարում դրանում էական փոփոխություններ եղած լինեն:

Այսպիսով ըստ Եղիշեի, Փարպեցու և Օրբելյանի

<i>N</i>	<i>Վարդանանք՝</i>	<i>հեծյալ</i>	<i>ծանոթագրություն</i>
1.	Մամիկոնյաններ	3.000	
2.	Գուգարքցիներ	3.000	
3.	Առանշահիկներ	1.000	
4.	Ուտեցիք	1.000	Առանշահիկների կրտսեր նախարար
5.	Գարդմանցիք	1.000	Առանշահիկների կրտսեր նախարար
6.	Ամատունիք	1.000	
7.	Արծրունիք	1.000	
8.	Մոկացիք	1.000	

9.	Վանանդցիք	1.000	
10	Սյունյաց գորք	մոտ 1.000 ¹	մի մասը
11	Խոռխոռունիք	մոտ 700	մի մասը
12	Վահևունիք	մոտ 700	մի մասը
13	Ռշտունիք	մոտ 700	մի մասը
14	Կամսարականք	600	
15	Տայեցիք	600	Մամիկոնյաններին կրտսեր ախարար
16	Բասենցիք	600	Կամսարականների կրտսեր նախարար
17	Գնունիք	500	
18	Մազազացիք	500	որպես արքունի գործակալ
19	Անձևացիք	500	
20	Առավելյանք	500	
21	Աշոցեանք	500	
22	Ընծայեցիք	մոտ 500	
23	Վարաժնունիք	300	որպես արքունի գործակալ
24	Հավնունիք	300	որպես արքունի գործակալ
25	Սպանդունիք	300	որպես արքունի գործակալ
26	Զարեհավանք	300	Ամատունիների կրտսեր ախարար
27	Տրունիք	300	Արծրունների կրտսեր նախարար
28	Երվանդունիք	300	Արծրունների կրտսեր նախարար
29	Բոխայեցիք	300	
30	Գնթունիք	300	
31	Մահառնունիք	300	
32	Դիմաքսյանք	300	
33	Մանդակունիք	300	
34	Սլկունիք	300	

¹ Ըստ Ջորանամակի Սյունյաց հեծելազորի թիվը եղել է 19.400, սակայն համաձայն նորագույն տվյալների դա ոչ միայն Սյունյաց, այլև հայոց Արևելյան կողմի (հինգերորդ) բղեշխության ողջ հեծելազորի թիվն է: Իրոք, Սյունիները, որքան էլ հզոր լինեին, չէին կարող այդքան հեծյալ ունենալ: Ավելի ճիշտ է թվում մեր բերած առավելագույն (4.000) թիվը, քանի որ դեռ 80 տարի առաջ՝ մոտ 370 թ-ին Անդրավկ Սյունու կողմից Տիգրոնն ասպատակելու ժամանակ նրա հեծյալների թիվը 1.700 էր: Հազիվ 800 էլ լիներ Սյունիքում՝ ընդհանուր թիվով 2.500:

35	Վարձառունիք	200	Արժրուների կրտսեր նախարար
36	Ակեացիք	մոտ 200	մի մասը
37	Արեղյանք	մոտ 200	մի մասը
38	Գարեղյանք	մոտ 200	մի մասը
39	Պալունիք	մոտ 200	մի մասը
40	Քաջբերունիք	100	
41	Կրպատունիք	100	
42	Ռափսոնյաք	100	
43	Խրվանձյաք	մոտ 50	
44	Քողյանք	մոտ 50	
45	Ռ-մբոսյաք	մոտ 50	
46	Տաշիրցիք	մոտ 50	
47	Որսապետք	մոտ 50	

26.350

Բացի սրանցից Եղիշեն և Փարպեցին չեն նշում, հետևաբար չի կարելի դավաճան համարել Ջորանամակով սեփական գորք ունեցող առնվազն հետևյալ նախարարներին, քանի որ եթե դավաճան լինեին, ինչքան էլ մանր, Եղիշեն անպայման կնշեր, որպեսզի արժանացներ սերունդների հավերժ անեծքին, ինչպես օրինակ ՌԻրծի իշխանին: Այսպիսով.

- | | |
|--------------------|-----|
| 1. Գողթնցիք` | 500 |
| 2. Մուրացյանք` | 300 |
| 3. Արտաշեսյանք` | 300 |
| 4. Առվենյան` | 300 |
| 5. Ամասկունիք` | 200 |
| 6. Բոժունիք | 100 |
| 7. Յողկեսյանք` | 100 |
| 8. Աշխադարեանք` | 100 |
| 9. Վարազարտիկյանք` | 100 |
| 10. Վարուժեանք` | 100 |
| 11. Այծենականք` | 100 |
| 12. Բոգունիք` | 100 |

13. Արրահամեաք՝	100
14. Սագրատունիք՝	100
15. Համատունեաք՝	100
16. Մեհնունիք՝	100
17. Հաբուժեանք՝	100
18. Տամբերացիք՝	100
19. Տագրեանք՝	100
20. Կինանք՝	50
21. Ասճանք՝	50
22. Աքաժիք՝	50
23. Սողոքցիք՝	50
24. Չանդարակապետք՝	50
25. Վիժնունիք՝	50
26. Պարսպատունիք՝	50
27. Գուկանք՝	50
28. Կճրունիք՝	50
29. Բաքանք՝	50
30. Վառնունիք՝	50
31. Գգրճունիք՝	50
32. Գագրիկյան՝	50

3.650

30.000

Վասակյանք՝

1. Սյունիք՝	մի մաս մոտ 3.000
2. Բագրատունիք՝	1.500
3. Ապահունիք՝	1.000
4. Ռշտունիք՝	մի մաս մոտ 300
5. Վահևունիք՝	մի մաս մոտ 300
6. Խորխոռունիք՝	մի մաս մոտ 300
7. Պալունիք՝	մի մաս մոտ 100
8. Ակեացիք՝	մի մաս մոտ 100
9. Աբեղյանք՝	մի մաս մոտ 100
10. Գաբեղյանք՝	մի մաս մոտ 100

6.850

Ինչպես գիտենք ֆեոդալի հզորության և հողերի ընդարձակության մասին կարելի է կարծիք կազմել նրա հեծելագործի թվով: Ըստ վերոհիշյալ տվյալների Վարդանի կողմնակից նախարարների հեծելագործի թիվը մոտ 26.350 է, դրան գումարած այն նախարարների մոտ 3.650 հեծելագործը, որոնց մասին թեև այս կամ այն պատճառով հատուկ չի նշվում, սակայն որոնք, խիստ հավանական է, որ եղել են Վարդանի հետ: Ընդհանուր թվով մոտ 30.000, (մի թիվ, որն, ի դեպ, զարմանալիորեն համընկնում է 481-484 թթ. Վահանանց ապստամբության ժամանակ Սեբեոսի հիշատակած՝ հայ հեծելագործի թվին՝ 30.000) չհաշված այն մանր նախարարներին, որոնք Չորանամակում հատուկ նշված չեն: Այսինքն՝ առնվազն 80 նախարար մոտ 30.000 հեծյալով, չհաշված հետևակը և ժողովրդական աշխարհագործը, (նախարարների հետևակի թիվը վաղ ֆեոդալիզմի շրջանի Հայաստանում հեծելագործի հետ համեմատած կարելի է մոտավորապես տալ 1 հետևակին 3 հեծյալ հարաբերակցությամբ: Այսինքն Վարդանանց նախարարական մշտական հետևակի թիվը մոտ 10.000 էր: Սակայն այդ թվին պետք է ավելացնել այն ռամիկ զինվորներին, որոնք չէին կատարում մշտական զինվորական ծառայություն, բայց պատերազմի ժամանակ պետք է միանային իրենց նախարարին՝ մոտ 26.000), ընդեմ 11 նախարարի և նրանց մոտ 6.850 հեծյալի: Ընդ որում վերջիններիս գնդերից զինվորները մասսայաբար դասալքել են և իրենց տոհմի այլ նախարարի (օր.՝ Խոռխոռունիները՝ Խորենի և այլն) գլխավորությամբ միացել են Վարդանանց, քանի որ հայ զինվորի արժեքային համակարգում իր նախարարի արարքը դավաճանություն էր: Այլ անուղղակի ապացույցներից բացի Եղիշեն հենց ինքն է նշում, որ. «Այն ետ կացածների փոխարեն, որոնք գնացին Սյունյաց իշխանի հետևից, (Վարդանը – Մ.Հ.) կարգեց նրանց եղբայրներին կամ որդիներին կամ եղբորորդիներին և ամեն մեկին տվեց *նրանց գորքերը*, որովհետև ամբողջ երկիրը դեռ նրա իշխանության տակ էր»¹: Նույնիսկ Սյունյաց գունդը ամբողջությամբ հանդես չէր գալիս, քանի որ Ավարայրի ճակատամարտից հետո,

¹ Եղիշեն էջ 201:

ըստ Փարպեցու. «Հմայակը (Վարդանի կրտսեր եղբայրը – Մ.Հ.) Տա-
յոց ամբողջներում հավաքվածների վրա գումարեց... *Սյունիքից* բե-
րած ընտիր տղամարդկանց»¹, էլ ուր մնաց՝ մյուսները: Իմ կարծիքով
որոշ «Վասակյան» նախարարներ էլ նույնիսկ ոչ պաշտոնապես օգ-
նել են Վարդանին: Իսկ Վասակյան նախարարների գավառների
հասարակ ժողովուրդը համարյա ամբողջությամբ Վարդանի հետ էր:
Ըստ «Աշխարհացույց»-ի էլ Մարզպանական Հայաստանի տարած-
քի մոտ 90%-ը Վարդանի հետ էր: Մա նաև համապատասխանում է
Եղիշեին, ըստ որի նա խոսելու է. «...Հայոց պատերազմի մասին... ո-
րի մեջ *քչերի* հանդեպ *շատերն* առաքինի գտնվեցին»² (մոտ 91 նա-
խարարներից 80-ը): Որ Վասակյանք քիչ են եղել, անուղղակիորեն
վկայում է նաև այն հանգամանքը, որ Վարդանի վերադառնալուց հե-
տ Վասակը որևէ լուրջ քայլ չկարողացավ ձեռնարկել և խուճապա-
հար հեռացավ Սյունիք:

Այսպիսով Վարդանի և Վասակի կողմնակիցների հավասարու-
թյան կամ վերջիններիս գերազանցության մասին խոսելը միանշա-
նակ չի համապատասխանում ճշմարտությանը:

¹ Դազար Փարպեցի «Հայոց պատմություն», Երևան 1982՝ էջ 173:

² Եղիշե՝ էջ 7:

ԱՎԱՐԱՅՐԻ ՃԱԿԱՏԱՄԱՐՏ

Հաջորդ հարցերը, որ կցանկանայի քննարկել վերաբերվում են.

ա) Ավարայրի ճակատամարտում պարսիկների և հայերի թվաքանակին,

բ) պարսիկներ կողմից հայերի մասնակցությանը,

գ) կողմերի կորուստներին,

դ) Ավարայրի ճակատամարտի արդյունքին:

ա) **Ավարայրի ճակատամարտում պարսիկների և հայերի թվաքանակը:** Այս հարցի վերաբերյալ հիմնական տեղեկությունը հետևյալն է՝ պարսիկները հայերին գերազանցում էին երեք անգամ: Իսկ հայկական նախարարական զորքի թիվը, ըստ Եղիշեի, 66.000 էր, այսինքն պարսիկները եղել են մոտ 200.000: Մեր որոշ ուսումնասիրողներ պարսիկների թիվը իջեցնում են մինչև 90.000 և նույնիսկ 80.000, ելնելով այն հանգամանքից, որ իբր Եղիշեն, հետևելով հունա-հռոմեական պատմագիտության ավանդույթներին, չափազանցեցրել է պարսիկների թիվը, հայերի քաջությունը և հերոսությունը ընդգծելու համար:

Սակայն մեր կարծիքով, ընդհակառակը, պարսիկները նույնիսկ ավելի շատ են եղել, քան նշում է Եղիշեն. ահա թե ինչու.

ա) նախ, եթե ընդունենք, որ պարսիկները 90.000 կամ 80.000 են եղել, ապա դա ամենևին էլ այն գերակշիռ առավելությունը չէ, որ Վարդանին կստիպեր դիմել իր յուրահատուկ և պատմության մեջ նախադեպը չունեցող մարտավարությանը: Հակառակորդի մոտ 20.000-ի առավելությունը թեև լուրջ է, սակայն հայոց բանակի համար այն երբեք ճգնաժամ չի եղել: ԵՎ հինգերորդ դարում, և դրանից առաջ ու հետո հայկական բանակը բազմիցս հաղթել է նմանապես գերակշռող թշնամուն: Օր.՝ 385թ. Բագավանի ճակատամարտում 20.000-48.000 հարաբերակցությամբ հայերը հաղթեցին, կամ 481թ. Ակոռիի ճակատամարտի 400-7.000 հարաբերակցությամբ անհավատալի հաղթանակը և այլն, և երկրորդ՝ պետք չէ մոռանալ, որ Հայոց Մարզպանությունը Պարսկաստանում առաջնային տեղ, իսկ հայոց այրուձին՝ մեծ հեղինակություն ունեին, և հաղթելու համար պարսիկները պետք է ուղարկեին ոչ միայն լավագույն (Մատյան գունդ, մարտական փղեր, լավագույն հեծելազոր, ծանրագեն հետևակ), այլև գերակշիռ ուժեր: Իսկ եթե հաշվի առնենք նաև, որ Հազկերտը Բյուզան-

դիայի հետ հաշտություն էր կնքել, հարաբերական խաղաղություն էր հաստատել Քուշանաց սահմանում, կայունացրել էր երկրի վիճակը և ի վիճակի էր պարսկական բանակի մեծագույն մասը կենտրոնացնել Հայաստանի ուղղությամբ, ապա գալիս ենք այն հետևության, որ Եդիշեի բերած տվյալները ճիշտ են (այդ ժամանակ պարսկական բանակի ընդհանուր թիվը ավելի քան 350.000 էր): Դա կարող ենք հիմնավորել նաև այլ հաշվարկներով: Այսպես. Եդիշեն, խոսելով պարսկական մարտական փղերի մասին, հայտնում է. «գունդ-գունդ բաժանեց այդ գագաններին և ամեն մի փղի մոտ 3.000 սպառազեն մարդ դրեց, բացի մնացած ամբողջ զորքից... և այսպես Մատյան գունդը ամրացրեց...»¹: Վերոշարադրյալից պարզ է դառնում, որ խոսքը վերաբերվում է ոչ թե պարսից ողջ զորքին, ինչպես սխալմամբ կարծում են որոշ ուսումնասիրողներ, այլ միայն նրա պահեստագործին: Պարսիկները Ավարայրում ունեցել են առնվազն 15 մարտական փիղ: Այսպիսով պարսից աջ թևի և կենտրոնի հետևում գտնվող պահեստագործ կազմում էր 55.000 զինվոր (փղերի հետ՝ 45.000 և 10.000-անոց Մատյան գունդը): Իսկ 90.000, և առավել ևս 80.000-անոց զորաբանակը 55.000-անոց պահեստագործ չէր պահի: Այս դեպքում արդեն մոտենում ենք այլ թվի՝ մոտ 226.850, ձախ թևում և կենտրոնում՝ 50.000-ական զինվոր, աջում՝ 71.850 (այդ թվում վայրենի ցեղերի մոտ 22.000 ռազմիկները, որոնց Եդիշեն հաշվի չի առել, և 6.850 դավաճանները) և 55.000 էլ պահեստագործ: Այնպես որ մոտ 226.850-ը, լրիվ հավանական է թվում, որն արդեն շատ լուրջ թիվ է և կարող է ճգնաժամի հանգեցնել:

Հետաքրքիր է նաև հայերի թվաքանակի հարցը: Ըստ Եդիշեի «ԵՎ նրանք (*նախարարները* – Մ.Հ.) բոլորը շտապով եկան-հասան պատերազմի վայրը, յուրաքանչյուրը *իր զորքով* ու ամբողջ պատրաստվածությամբ... և նրանց ընդհանուր թիվը եղավ 66.000»²: Հետագա ուսումնասիրողներն էլ առանց խորանալու հարցի մեջ առաջնորդվել են այս թվով: Սակայն հեշտ է նկատել, որ Եդիշեն խոսում է *նախարարական զորքի*, այլ ոչ թե ողջ հայոց զորաբանակի մասին: Եդիշեի այն տվյալը, թե պարսիկները հայերին գերազանցում էին 3 անգամ, վերաբերվում է միայն նախարարական զորքին: ԵՎ իրոք Ե-

¹ Եդիշեն՝ էջ 233:

² Եդիշեն՝ էջ 201-203:

ղիշեն կարող էր ճշտորեն իմանալ միայն նախարարական գորագնդերի թիվը, իսկ քաղաքների, ավանների, (Դվին, Արտաշատ, Չարեհավան, Վաղարշապատ և այլն) և եկեղեցու ընդարձակ կալվածքների ժողովրդական աշխարհագրի, ինչպես նաև այն ռամիկների թիվը, որոնք հանդես էին գալիս իրենց նախարարական գնդերի հետ կամ առանձին գնդերով, Եղիշեն չի նշել և չէր էլ կարող ճշտորեն իմանալ: Իսկ նրանք կային և բավականին ծանրակշիռ էին: Նրանց թիվը կարելի է մոտավորապես տալ 34.000-ի շրջանակներում: Այսինքն հայկական գորաբանակի թիվը մոտավորապես 100.000 էր: Ընդ որում այս հարաբերակցությունն էլ բավականին լուրջ է, քանի որ նախ պարսիկները ընդհանուր թվաքանակով ավելի քան կրկնակի գերազանցում էին հայերին, որը այդպիսի մեծ թվերի դեպքում կարող է որոշիչ լինել, և հետո, թեև հայկական բանակը մոտ 100.000 էր, սակայն պրոֆեսիոնալ զինվորականների թիվը հազիվ մոտ 40.000 էր: Մնացածը կազմում էր ռազմական գործին անսովոր աշխարհագրորդ: Այսինքն այս տեսանկյունից պարսիկները հայերին գերազանցում էին ավելի քան 5,5 անգամ:

բ) այն, որ պարսից բանակում եղել են հայկական ուժեր Վասակ Սյունու մասին խոսելիս ուղղակիորեն վկայում է Եղիշեն: Բացի այդ վերջինս տալիս է մի շատ ուշագրավ տեղեկություն: Ըստ Եղիշեի. «Իսկ ուրացողների (պարսիկների կողմում կռվող հայերի – Մ.Հ.) կողմից այն օրն ընկան 3.544»¹, իսկ «քաջ նահատակների» կողմից՝ 1.036 մարդ: «Ուրացող» բառով Եղիշեն կարող էր կոչել միայն և միայն պարսիկների կողմում կռվող հայերին, իմ կարծիքով սա հստակ է: Ավարայրին նվիրված գրականության մեջ միշտ նշվում է, որ պարսիկներից սպանվեց 3.544, իսկ հայերից՝ 1.036 մարդ: Իմ կարծիքով այստեղ տեղի է ունեցել թյուրիմացություն, որն այդպես էլ չի ուղղվել: Եղիշեն նշում է. «Իսկ ուրացողների կողմից»: Սա փաստորեն ուրացողների, այլ ոչ թե պարսիկների կորուստն է: Ըստ իս այստեղ երկու կարծիք լինել չի կարող: Բացի այդ չմոռանանք, որ Եղիշեն կրոնական պատմիչ էր և առաջին հերթին պետք է նշեր 3.544 ուրացողի և 1.036 նահատակի մասին՝ հակադրելով իրար: Ասվածը կարող ենք հիմնավորել նաև այլ ապացույցներով, թեև վերևում բերվածը մեր կարծիքով լիովին բավական է: Նախ 226.850 և

¹ Եղիշե՝ էջ 243:

100.000-աոց քանակները մոտ տասնչորս ժամ ընդհարվելով, այն էլ այնպիսի կատաղի ճակատամարտում, ինչպիսին Ավարայրը եղավ, չէին կարող ընդհանուր հաշվով տալ 4.580 զոհ: Ընդհակառակը, հենց նույն 451 թ-ին տեղի ունեցավ ճակատամարտ Կատալաունյան դաշտում Աթիլայի հոների 500.000-անոց և Արևմտյան Հռոմեական կայսրության ու նրա դաշնակիցների համարյա նույնաթիվ քանակների միջև: Մոտ 12 ժամ տևած կատաղի ճակատամարտի արդյունքում կողմերը կորցրին մոտ 180.000-ական զինվոր: Կարելի է բերել նաև այլ օրինակներ:

Այնպես, որ Ավարայրի ճակատամարտում կողմերի կորուստները պետք է անհամեմատ ավելի շատ լինեին: Ինքը՝ Եղիշեն, Ավարայրի ճակատամարտի նկարագրման վերջում նշում է *նախարարական տոհմերը* և տալիս նրանց, ոչ թե ողջ հայոց ողջ զորաբանակի տված զոհերի թվերը (օրինակ՝ Մամիկոնյան ցեղից՝ 133 ռազմիկ¹): Եղիշեն փաստորեն խոսում է միայն նախարարական տոհմերի տված զոհերի մասին, այն դեպքում, երբ հասարակ ռազմիկների և Աշխարհագորի տված կորուստները նա չի նշել, քանի որ չէր էլ կարող իմանալ դրանց նույնիսկ մոտավոր թվերը: Իրոք. եթե նախարարական տոհմերի կորուստները պարզելը հեշտ էր, քանի որ զոհվածները հայտնի անձիք էին հայտնի տոհմերից, ապա նույն ձևով համարյա անհնար էր պարզել հասարակ ռազմիկների և Աշխարհագորի կորուստները: Եղիշեն հաստատ չէր քայլի ճակատամարտի գիշերը և հաջորդ օրը մարտի դաշտում ու հատ-հատ հաշվի սպանվածներին: Իր հերթին բացառված էլ է, որ Պարսից թագավորության բանակի կորուստը նա կճշտեր Նիսավուրտից: Բացի այդ, և սա հատկապես կարևոր է արձանագրել, այնպիսի նպատակ, ինչպիսին ռազմական մանրամասների լուսաբանումն է, Եղիշեն սկզբունքորեն չի էլ դրել:

Այսպիսով կարելի է գալ ևս մեկ խիստ կարևոր հետևության. Եղիշեն չի խոսում ոչ միայն Պարսից թագավորության բանակի, այլև հայ հասարակ ռազմիկների կորստի մասին:

Իսկ կողմերի կորուստները բավականին մեծ էին: Մուշկան Նիսավուրտը, ըստ Եղիշեի, «ստացել էր սաստիկ հարվածներ»² և «նրա

¹ Եղիշեն՝ էջ 241:

² Եղիշեն՝ էջ 243:

ուժն ու զորությունը կտրվել էր ու սիրտը չէր հանգստանում»¹, իսկ «նրա (*Հազկերտի – Մ.Հ.*) ուժն ու զորությունը շատ կտրվեց»²: 3544, այն էլ օտարագզի, զոհը 226.850-անոց զորքով զորավարի և առավել ևս ավելի քան 350.000-անոց զորքով արքայի համար ոչ ծանր ու էչ էլ սիրտը չհանգստացնող և զորությունը կտրող հարված է: Դա մի շարքային ճակատամարտում կրած կորստի չափ կորուստ է: Դրա կեսի չափ կորուստ (2.000) պարսիկները կրեցին միայն Ավարայրի ճակատամարտից մի քանի օր առաջ, երբ Առանձար Ամատունու ջոկատը դարանեց ու ոչնչացրեց պարսից հիմնական բանակի ասպատակող առաջապահը: Կողմերի իրական կորուստները կարող ենք պարզել հետևյալ կերպ. «ուրացողները» տվեցին մոտ 3.4 անգամ ավել զոհ, քան նահատակները: Իր հերթին հասարակ ռազմիկները և աշխարհագրայինները նախարարական տոհմերի (ոչ թե ողջ այրուձիու) հետ համեմատած կարող էին տալ մոտ 20 անգամ ավել զոհ:

Այսպիսով, ընդհանրացնելով վերը շարադրվածը և Կատալաունյան ճակատամարտի «փորձը», կարող ենք ասել, որ հայերը տվեցին մոտ 20.000 սպանված (այդ թվում 1.036 նախարարական տոհմերից) և մի քանի անգամ ավել վիրավոր, իսկ պարսիկները՝ մոտ 3.4 անգամ շատ՝ մոտ 68.000 սպանված և հայերից մի քանի անգամ ավել վիրավոր (այդ թվում 3.544 դավաճան նախարարներից և նրանց կողմակիցներից): Սա արդեն ասատիկ հարված էր (ամենամոտավոր հաշվարկներով շարքից դուրս էր եկել բանակի մոտ 47 %) և պարսից զորավարի և արքայի համար, որը նրանց կրեբեր այդպիսի հոգեվիճակի: Ավելին՝ պարսիկները լավ արյունաքամ էին եղել և հատկապես մեծ կորուստներ էին կրել «անմահները» մատյան գնդից, որի հետևանքը եղավ այն, որ նրանք չկարողացան շարունակել ակտիվ ռազմական գործողությունները և նույն տարում էլ դադարեցրին դրանք:

զ) պետք է անդրադառնալ նաև Ավարայրի ճակատամարտի արդյունքին՝ այն հաղթանակ էր, թե պարտություն: Ըստ Եղիշեի. «Ոչ մի կողմը հաղթեց, ոչ մյուս, այլ քաջերը քաջերի դեմ դուրս գալով երկու կողմն էլ պարտվեցին: Բայց քանի որ սպարապետը ընկել էր

¹ Եղիշե՝ էջ 243:

² Եղիշե՝ էջ 245:

կռվի դաշտում... ուստի հայոց գորքը ցրվեց»¹: Այս զգացմունքային և անորոշ բնորոշումը մեր պատմագետներին հիմք է տալիս ասելու, որ Ավարայրի դաշտում հայերը պարտություն կրեցին: Հետագայում, կարծես արդարանալով, առաջ քաշվեց բարոյական հաղթանակ-նազմական պարտություն բանաձևը: Ճակատամարտը, իրոք, խոշոր բարոյական հաղթանակ էր: Այն Հայկյան ոգու ցասումն էր, որը հայոց պետականության կորստից հետո ապացուցեց, որ հայը երբեք ստրուկ չի լինի, իսկ հայ ռազմիկը և հայոց զենքը ունեն այնպիսի հատկություններ, որոնց հետ հաշվի չնստելը կարող է ծանր հետևանքներ ունենալ ցանկացած թշնամու համար: Այն դրեց մի գաղափարախոսության և մի ոգու հիմք, որը պահեց ու պահպանեց մեր ազգը հետագա ծանր փորձություններում՝ ընդհուպ մինչև մերօրյա Արցախյան հերոսամարտը, որի մարտիկները մեկ անգամ ևս փայլուն կերպով ապացուցեցին, որ Վարդանանց ոգին անմար է: Բայց արդյո՞ք այն ռազմական պարտություն էր: Մեր կարծիքով՝ միանշանակ ոչ: Հարցը լուսաբանելու համար պարզենք, թե ըստ ռազմական պատմաբանների հին աշխարհում և միջնադարում որն է համարվել բանակի պարտություն: Գա այն վիճակն է, երբ կողմերից մեկը մյուսի համեմատ կրում է 1,5-ից ավել անգամ կորուստ և (կամ) թողնում է մարտադաշտը, դիմելով փախուստի, որից հետո դադարում է բանակի և (կամ) երկրի դիմադրությունը: Օր.՝ Գավգամելայի ճակատամարտում Աքեմենյանների, Խառանի ճակատամարտում հռոմեացիների, Ոսիսայի ճակատամարտում Մասանյանների կրած պարտությունները դրա դասական օրինակներ են: Իսկ ի՞նչ եղավ Ավարայրում: Ըստ Եղիշեի մթնելուց հետո կողմերը վերադարձան ելման դիրքեր: Պարտության մասին խոսք չկա և այստեղ պետք չէ Եղիշեին սխալ հասկանալ: Հայոց գորքը չէր պարսվել և անտեր չէր: Պահեստագորը, իսկ Վարդանի մահից հետո մասն ողջ գորքը, ղեկավարող Համագասպ Մամիկոնյանն ու Արշավիր Կամսարականը հրավիրեցին ողջ մնացած նախարարների խորհրդակցություն: Արդյունքում որոշվեց, որ հայերը հասել են սպարապետի դրած նպատակին, այսինքն թշնամին խիստ արյունաքամ էր եղել:

Այլևս իմաստ չունեի շարունակել ճակատամարտը հաջորդ օր, մանավանդ, որ հայերի վիճակն էլ թեթև չէր: Սակայն այստեղ միան-

¹ Եղիշե՝ էջ 241:

շանակ սխալ կլիներ խոսել հայերի պարտության մասին: Հայերը լիակատար մարտակարգով նահանջեցին գետի մյուս ափը և պարսիկներ չկարողացան հասնել իրենց նպատակին՝ ջախջախել հայերին: Ավելին. հայերն էին հասել իրենց նպատակին՝ արյունաքամ անելով թշնամու բանակին: Այլևս ճակատամարտը հայերի կողմից շարունակելն իմաստ չուներ: Այս իմաստով է Եղիշեն նշում, որ հայերը ցրվեցին: Այսինքն ոչ թե պարտվեցին, ջախջախվեցին և ցրվեցին, այլ պլանավորված, գիտակցաբար, մարտավարական խնդիրներից ելնելով, քանի որ կատարել էին իրենց մարտական առաջադրանքը, մասնատեցին ուժերը: Իրոք. սպասվող պարտիզանական լեռնային պայքարում իմաստ չուներ պահել մեծ և կենտրոնացած բանակ: Պետք էր ստեղծել փոքրաթիվ, բայց արագաշարժ և ճկուն 500-600 հոգանոց ջոկատներ՝ պայքարը շարունակելու համար, որն էլ կատարվեց: Հատկանշական է, որ պարսկական բանակը այն աստիճան էր թուլացել, որ նույնիսկ փորձ չարեց խանգարել հայերի նահանջը կամ հետապնդել նրանց: Ի դեպ ստրատեգիական տեսանկյունից մեծ է Ավարայրի ճակատամարտի նմանությունը Բորոդինոյի ճակատամարտի հետ, երբ ռուսները, արյունաքամ անելով թշնամուն, թողեցին Մոսկվան՝ խնայելով բանակը և շարունակելով պայքարը: Ոչ մի պատմաբան այժմ չի համարձակվի Բորոդինոյի ճակատամարտը համարել ռուսների պարտություն:

Այսպիսով կարելի է տալ Ավարայրի ճակատամարտի արդյունքի հետևյալ բնորոշումը. այն տակտիկական առումով անորոշ, բայց ավելի շատ հոգուտ հայկական ուժերի տեղի ունեցած ճակատամարտ էր (պարսիկները երեք անգամ ավել կորուստ տվեցին), իսկ ստրատեգիական առումով հայերը շահեցին այն և դրա, ինչպես նաև երկրում ծագած կատաղի պարտիզանական պայքարի հետևանքով, հաղթեցին պատերազմում, քանի որ շուտով պարսկական բանակը հեռացավ երկրից և վերականգվեց նախկին վիճակը, որն այն պայմաններում հավասարազոր էր հաղթանակի: Ի դեպ *գուտ ռազմաստրատեգիական* առումով մեծ է Վարդանանց պատերազմի նմանությունը Չեչենական առաջին պատերազմի հետ: Ոչ ոք այժմ չի կարող ասել, որ ռուսները հաղթեցին այդ պատերազմում: Սակայն կրկին եմ ցանկանում ընդգծել, որ նմանությունը վերջանում է սրանով: Իրոք. եթե հայերը պայքարում էին ազգի գոյության, ասիմիլյացիային դիմադրելու և ինքնապահպանման համար, ապա չեչենները

զոհ գնացին միջազգային ինտրիզներին և ազգային սնափառությանը՝ դուրս գալով հզոր պետության դեմ: Դա թույլատրելի է միայն այն դեպքում, երբ դրված է ազգի լինել-չլինելու հարցը: ԵՎ եթե այդ դեպքում ազգը անպայման կհաղթի, ապա այլ պարագայում ջախջախումն անխուսափելի է:

ՎԱՍԱԿԻ ԴԻՐՔՈՐՈՇՈՒՄԸ

Մյուս հարցը, որ առաջ է քաշվում, վերաբերվում է նրան, թե Վասակի դիրքորոշումը թեև պակաս վեհ, սակայն ազգի համար ավելի կենսունակ էր: Սակայն դա ճիշտ չէ: 301 թ-ին հայերն ընդունելով քրիստոնեությունը՝ ընդգծեցին իրենց տարբերությունը պարսիկներից, իսկ 451թ-ին Քաղկեդոնի ժողովի որոշմանը բացասական վերաբերմունք դրսևորելով, ընդգծեցին իրենց տարբերությունը բյուզանդացիներից: Իսկ այս երկու պետությունների քաղաքականությունը միշտ էլ ուղղված է եղել էթնիկ միատարր պետություն ստեղծելուն: Հայերը, ընդունելով զրահադաշտականությունը և հետևելով Վասակին, կամ ուղղակի դարերի ընթացքում կկորեին, ինչպես կորան օր.՝ մարերը, պարթևները, ասորիները և այլն, կամ էլ ներկայումս Հայկական լեռնաշխարհում կապրեր մի էթնոս, որը ոչ մի ընդհանուր բան չէր ուենա հայերի հետ՝ հանդիսանալով տարբեր ժամանակաշրջաններում մեր հայրենիքը ողողած էթնիկ խմբերի անդեմ մի խառնուրդ (ինչպես օրինակ պատմական Աղվանքը և աղվանցիներն ու ներկայիս Ադերբեջանը ու ադերբեջանցիները): Պատահական չէ, որ և Բյուզանդիայի, Պարսկաստանի ու Խալիֆաթի, և սելջուկների, մոնղոլների, թաթարների, նորից պարսիկների ու թուրքերի դեմ անհավասար և հիրավի հերոսական պայքարում, ինչպես նաև նրանց դժնդակ տիրապետության տարիներին, մինչև 20-րդ դարի սկզբի Մեծ Եղեռնը, հայը մնաց իշխող էթնիկ տարր ողջ Հայկական լեռնաշխարհում և չճուլվեց ինչպես այլ ազգեր: Փաստորեն Վարդանի քաղաքական գիծը անցավ դարերի փորձություն և լիովին արդարացրեց իրեն:

ԱՆԿԱԽ ԹԱԳԱՎՈՐՈՒԹՅՈՒՆ

Կուզենայի նաև անդրադառնալ մի հարցի, որի մասին մի թեթև ակնարկ եղավ վերևում: Երբեմն հարցը ներկայացվում է այսպես. երկու ֆեոդալական խմբեր, մեկը Վարդանի, մյուսը Վասակի գլխավորությամբ, պայքարում էին երկրում իրենց առաջնորդներին թագավոր դարձնելու համար: Միանգամից նշենք, որ սա այն պայմաններում դատապարտելի չէր, քանի որ թագավորը խոսում է պետականության առկայության մասին, որն էլ ապագա անկախության հիմքը կլիներ: Սակայն հարցը երբեմն այնպես է ներկայացվում, որ կարծես պարսիկները մնում են հեռու, ինչ որ տեղ դրսում, իսկ երկրում ուղղակի գնում էր միջֆեոդալական զգվռտոց: Հարցին պետք է լայն նայել: Վարդանը հաստատ, իսկ Վասակը միզուցե (քանի որ պետք չէ մոռանալ, որ Վասակի երեխաները գտնվում էին Տիզբոնում և ինչ-որ խորը պատճառ փնտրելու փոխարեն նրա մոտ կարող էին պարզապես գերակշռել հայրական զգացմունքները. ի դեպ Փարպեցին հաճախ է մատնանշում այս հանգամանքը), պայքարում էին երկրի անկախության համար: Այստեղ Վասակի նպատակը գովելի է: Իսկ անկախ երկիրը կարող էր լինել միայն թագավորության տեսքով, այլ կառավարման ձև այն ժամանակ հնարավոր չէր: Այստեղ է, որ ծագում է թագավորի հարցը: Սակայն միանշանակ սխալ կլիներ ասել, որ Վարդանը պայքար էր սկսել իրեն թագավոր դարձնելու համար: Իհարկե, հաջողության դեպքում նա չէր հրաժարվի դրանից: Բայց նրա նպատակները ավելի լայն էին և նա, ի տարբերություն Վասակի, ամեն միջոցով չէր դիմում այդ վերջին հաշվով գովելի նպատակին: Եթե Վասակը հասներ հաջողության (որը խիստ կասկածելի է, քանի որ պարսիկները թույլ չէին տա: Նրանք կօգտագործեին Վասակին և հետո հրաժեշտ կտային, ինչպես էլ ի վերջո եղավ: Սա պարզորեն բխում է նաև Հազկերտի այն արտահայտությունից, թե. «Եթե այն անօրենը ողջ ազատվի մեծ պատերազմից, մեծ անարգանքով նրան պետք է խմացնեն մահվան դառն բաժակը»¹) և հավատափոխության ճանապարհով ստեղծեր թեկուզև կախյալ թագավորություն, հայերը կձուլվեին և կկորչեին, որի մասին մանրամասն խոսվեց վերևում: Ահա թե որն է Վասակ և Վարդան թագավորների տարբե-

¹ Եղիշե էջ՝ 197:

րությունը: Վարդանը հասկանում էր, որ ինքնությունը կորցնելու ճանապարհով թագավորություն ձեռք բերելը ի վերջո կկործանի և ազգը և թագավորությունը: Բացի այդ, եթե Վարդանը ձգտեր ամեն գնով դառնալ թագավոր, ապա Ավարայրում կամավոր մահվան չէր գնա, քանի որ հույս կունենար հաղթանակի դեպքում դառնալ թագավոր:

Իսկ Վասակը, ընդհակառակը, եթե չպառակատեր հայոց միաբանությունը, չդավաճաներ պայքարող մարտիկներին, չխոչնդոտեր բյուզանդական, վրացական և աղվանական օգնությանը, ապա, հաշվի առնելով Պարսկաստանի այն ժամանակվա խառը և անկայուն վիճակը, լիովին հնարավոր էր հասնել վերջնական հաղթանակի, թոթափել պարսկական լուծը և վերականգնել հայոց թագավորությունը՝ գուցե և հենց իր՝ Վասակի, գլխավորությամբ:

ԵՂԻՇԵ

Ուսումնասիրողները Եղիշեին համարում են Մամիկոնյան տան պատմիչ և հարց են առաջ քաշում, թե ինչպիսին կլիներ մեր տեսակետը ապստամբության վերաբերյալ, եթե տվյալ իրադարձությունների մասին տեղեկություններ հայտներ Վասակը՝ իր պատմիչի միջոցով: Կարելի է համարյա վստահությամբ ասել, որ վերաբերմունքը գրեթե նույնը կլիներ: Իսկ ինչպիսին է մեր վերաբերմունքը հետագա 924 տարում տեղի ունեցած բոլոր ապստամբությունների և Հայոց երկու պետությունների մղած զինված պայքարի, ինչպես նաև վերջին 628 տարվա գոյամարտերի և հենց Արցախյան ազատագրական պայքարի վերաբերյալ, որոնք հիմնականում չեն ունեցել Եղիշեի պես կրակոտ պատմիչներ, այլ պատմիչներ, որոնք ավելի սառնասիրտ մոտեցում են ցուցաբերել: Այստեղ կա ևս մի կարևոր հանգամանք. եթե մենք ժխտում ենք Վարդանանց ապստամբության անհրաժեշտությունը, որը կատարվում էր ազգի ինքնության պահապանման և ասիմիլյացիային դիմադրելու համար, ապա ինչպես պետք է վերաբերվել հետագա մոտ 32 ապստամբություններին ինչպես նաև բազում գոյամարտերին, սկզբում ընդդեմ Պարսկաստանի, Բյուզանդիայի, Արաբական Խալիֆաթի, հետո էլ սելջուկների, մոնղոլների ու թաթարների, նորից պարսիկների ու թուրքերի, որոնք հիմնականում կատարվում էին տնտեսական կեղեքումներին և ազգային հալածանքներին դիմադրելու համար՝ նպատակ ունենալով վերականգնել Հայաստանի պետականությունը, որն ի վերջո պսակվեց հաղթանակով:

ԱՅԼ ՀԱՐՅԵՐ

Կուզենայի մաս անդրադառնալ մի քանի հարցերի, որոնցով հաճախ մեղադրում են Վարդանին և Վարդանաց.

ա) Վարդանին մեղադրում են նրանում, որ նա իր տոհմը վերցրած ապստամբության սկզբում պատրաստվում էր հեռանալ Բյուզանդիա: Սակայն իմ կարծիքով ամենայն հավանականությամբ դա չի համապատասխանում ճշմարտությանը և Փարպեցին այդ դրվագը ավելացրել է Վարդանի կրոնական ջերմեռանդությունը ընդգծելու համար: Իրոք, դա չի համապատասխանում ոչ Մամիկոնյան տան, ոչ էլ հենց իր՝ Վարդանի, ապրած կյանքին, ստացած դաստիարակությանը և դավանած սկզբունքներին (կովել և մեռնել հայրենիքի համար), որոնք ձևավորվում են տոհմական դաստիարակության ողջ ընթացքում և առավել կատարելության են հասնում սպարապետի պաշտոնը ստանձնելիս և վարելիս: Իրոք, երկրի սպարապետը, (առավել ևս Մամիկոնյան տոհմից, որոնք միշտ էլ աչքի են ընկել իրենց քաջությամբ և հայրենասիրությամբ) չէր կարող լքել իր հայրենակիցներին այդպիսի օրհասական պահի և հեռանալ Բյուզանդիա, այն էլ ադոքներով զբաղվելու: Իսկ Վարդանին վախկոտության և փոքրիկության մեջ մեղադրելը առավել ևս սրբապղծություն է, այն դեպքում, երբ նա իր քաջությունը ապացուցեց Ավարայրի ճակատամարտում: Հօգուտ մեր բերած փաստարկների խոսում մաս այն հանգամանքը, որ Եղիշեն, որպես ականատես, այս միջադեպը չի հիշատակում:

բ) Վարդանին մաս մեղադրում են նրանում, որ նա ճկուն չէր և կամակոր էր, երբ նախարարները դժվարությամբ կարողացան համոզել, որ նա դիմի առերես կրոնափոխության: Բայց հարցը այդքան պարզ չէ և Վարդանն էլ կամակոր երեխա չէր: Նա հասկանում էր, թե երկրի սպարապետի ուրացության լուրը ինչ հսկայական բարոյալքիչ ազդեցություն կունենա ժողովրդի, բանակի և հատկապես Պարսկաստանում գտնվող և մոզերի ճնշումներին ենթարկված հայոց այրուծիու վրա:

գ) Վարդանին մեղադրում են մաս նրանում, թե իբր Հազկերտը ապստամբության ընթացքում արդեն հրաժարվել էր կրոնափոխության առաջարկից և իզուր էր հետագա պայքարը: Բայց նախ հաստատ չէր, որ Հազկերտը իրոք հրաժարվել էր իր պահանջից և այդ լուրերը Վասակը և պարսիկ պաշտոնյաները չէին տարածում, հեշ-

տությամբ հաղթանակի հասնելու համար, և հետո չմոռանանք, որ հայերը ոչ մի երաշխիք չունեին, որ գորքի, ժողովրդի և նախարարների ցրվելուց հետո պարսից բանակը հեշտությամբ չէր գրավի Հայաստանը, քանի որ ըստ իմ ուսումնասիրությունների, Հազկերտի կարծեցյալ հրաժարման լուրը հայերը ստացան 451թ. հունվարի վերջին կամ փետրվարի սկզբին, երբ Փայտակարանում արդեն տեղի էր ունենում գորքերի կենտրոնացում և սկսվել էր արշավը դեպի Հայաստան: Բացի այդ, որ այդ մտադրությունը կեղծ է եղել, երևում է այն հանգամանքից, որ Հազկերտը այդ քայլով ժամանակ շահեց, և ևս մեկ անգամ ստուգելով բյուզանդացիների վերաբերմունքը, և տեսնելով, որ նրանք իրոք չեն պատրաստվում հայերին օգնել, հրամայեց սկսել արշավանքը: Այլ հարց է, որ Ավարայրի ճակատամարտից հետո Հազկերտը կարող էր իսկապես այդպիսի հրաման տալ, ապստամբությունը հանդարտեցնելու նպատակով, քանի որ ծանր կորուստներ էր կրել: Այստեղ կարևոր է ժամանակագրությունը չշփոթել՝ ճակատամարտից առաջ և հետո:

դ) պետք չէ նաև Վարդանին մեղադրել ցուցամոլության մեջ, որ իբր իրեն «զվարթ էր ցույց տալիս»¹: Այստեղ ցուցամոլություն չկա: Բազմափորձ զորավարը, հասկանալով վտանգը, փորձում էր բարձրացնել և պահել բանակի մարտական ոգին, որովհետև միայն այդպես քանակապես թշնամուն այդքան զիջող հայերը կարող էին կատարել իրենց մարտական առաջադրանքը:

ե) Վարդանին մեղադրում են, որ նա իբր անհեռատես էր և հայերը Ավարայրում մնացին մենակ: Սակայն վերևում արդեն ասվեց, որ հայ-բյուզանդական դաշինքը որոշ չափով, իսկ հայ-վիրա-աղվանական դաշինքը ամբողջովին քանդվեց Վասակի մեղքով: Ինչ վերաբերվում է հոների, որոնք իբր խաբել են հայերին, ապա դա թյուրիմացություն է, քանի որ հենց Ավարայրի օրերին հոները ներխուժեցին Պարսկաստան և մեծ ավերածություններ կատարեցին, որը թեև չօգնեց բուն Ավարայրում, բայց մեծ նշանակություն ունեցավ հետագա պայքարի համար, երբ պարսիկները նաև այդ պատճառով ստիպված գորքերը հանեցին Հայաստանից և ուղարկեցին հոների դեմ:

զ) Վարդանին մեղադրում են, որ նա անձամբ մասնակցեց ճակատամարտին, գորքի ընդհանուր ղեկավարություն իրականացնելու

¹ Եղիշե՝ էջ 211:

փոխարեն: Բայց դա արդարացի չէ, քանի որ նախ կար մարտի նախապես հաստատված պլան, որով պահեստագործի, կենտրոնի և թևերի հրամանատարները պետք է գործեին նաև նրա մահից հետո, երկրորդ Վարդանը մինչև իր հայտնի մանկը (օրվա երկրորդ կես) դեկավարում էր մարտը, և երրորդ նա միայն անձնական օրինակով կարող էր ոգևորել մահացու ճեղքման գնացող մարտիկներին:

Է) Վարդանանց նաև անհիմն մեղադրում են զուտ ռազմական սխալներ կատարելու մեջ: Իբր վատ հետախուզություն ունեին կամ այն, որ իբր հայոց բանակը առանց հանգստանալու մտավ ճակատամարտի մեջ: Բայց առաջինը չի հաստատվում կոնկրետ փաստերով, (քանի որ նախ պարսիկների հիմնական բանակի առաջապահի ասպատակության մասին հայերը նախապես տեղեկություն էին ստացել և Առանձարի ջոկատը դարանեց ու ջարդեց նրանց, երկրորդ՝ հայերը գիտեին պարսկական հիմնական բանակի թիվը, արշավանքի ժամանակը և ուղղությունը, և վերջապես հայերը տեղյակ էին Վասակի՝ Սիհրներսեհին և Սեբուխտին ուղարկած նամակներին՝ այսինքն գերազանց էր գործում օպերատիվ-տակտիկական և ստրատեգիական հետախուզությունը), իսկ ինչ վերաբերվում է վերջինին, ապա Եղիշեն նման որևէ փաստ չի նշում, իսկ Փարպեցին նշում է, որ հայեր ճակատամարտի վայր հասան մեկ օր առաջ և հանգստացան ողջ գիշերը:

ը) Վարդանանց, հետագա դատավարություն ժամանակ, մեղադրում են նրանում, որ իբր նրանք ձգտում էին գլուխ խոնարհել, մեղքը բարդել Վասակի վրա և այլն: Բայց իմ կարծիքով դա ճիշտ չէ: Ի՞նչ գլուխ խոնարհելու մասին է խոսքը, երբ երկրում եռում էր կատաղի պայքարը և նախարարները փաստորեն Տիգրան էին գնացել հաշտության բանակցություններ վարելու: Իսկ Վասակի վրա մեղքը զցելը հետապնդում էր երեք նպատակ:

1) դրանով նրանք վրեժ էին լուծում դավաճանից, վրեժ որն այդ պայմաններում այլ կերպ հնարավոր չէր,

2) այդ միջոցով ուղի հարթվեց հաշտություն կնքելու համար

3) փրկվեցին իրենք՝ նախարարները, որոնք վերադարձան Հայաստան:

Եվ ի վերջո պարսիկներն էլ միամիտ չէին: Նրանք առիթ էին որոնում առանց արքայից-արքայի և իրենց զորավարների հեղինակությանը վնաս հասցնելու վերականգնել նախկին վիճակը, և փաստորեն

բոլորի համար խիստ պետք էր Վասակին մեղադրել: Սա էլ հենց ցույց տվեց Վասակի քաղաքական գծի լրիվ սնանկությունը (որը չունեի սոցիալական հենարան) և նա զրկվեց կյանքից:

Սրանով ավարտվում է մեր փոքրիկ ուսումնասիրությունը, որը, հուսով եմ, լույս սփռեց Վարդանանց պատերազմի որոշ դրվագների վրա: Ուրախությամբ կընդունեի նաև մեր պատմաբանների արձագանքները այս հոդվածի վերաբերյալ: